



03 SEP, 2021

Kelantan tumpu projek tani berskala besar

Harakah, Malaysia

Page 1 of 2

Kelantan **tumpu** projek tani berskala besar

Oleh **ZULKEFLI HUSSIN**

PASIR PUTEH: Kelantan memberi tumpuan melaksanakan projek-projek berasaskan pertanian berskala besar dengan kerjasama Kementerian Pertanian dan Industri Makanan (MAFI).

Pengerusi Jawatankuasa Pertanian, Industri Asas Tani, Bioteknologi, Teknologi Hijau dan Alam Sekitar, Tuan Mohd Saripudin Tuan Ismail berkata, tumpuan juga diberi bagi memajukan agro pelancongan.

Katanya antara yang ber-

potensi termasuk Jeram Mengaji di Seling, Danau Tok Uban Pasir Mas dan Lojing di Gua Musang.

"Usaha itu akan diadakan dengan gandingan erat Timbalan Menteri Pertanian dan Industri Makanan II, Dato' Dr Nik Mohamad Zawawi Salleh," katanya selepas melancarkan kempen Semarak Jalur Gemilang peringkat Dun Seling di sini, Ahad lepas.

Tuan Mohd Saripudin yang juga Adun Seling berkata, kerajaan neg-

eri meluluskan peruntukan lebih RM1.3 juta untuk melahirkan usahawan tani muda tahun ini.

Menurutnya seramai 50 peserta dipilih sebagai projek permulaan sebelum dikembangkan secara lebih meluas.

Kata beliau projek itu membabitkan 45 kawasan Dewan Undangan Negeri (Dun) di Kelantan.

"Kerajaan negeri akan membantu mereka dengan menyalurkan peruntukan lebih RM20,000 kepada setiap peserta yang ter-



Pelancaran kempen kibar Jalur Gemilang di Dun Seling.

pilih untuk mengusahakan tanaman jangka pendek menerusi sistem fertigasi.

"Mereka dilatih dengan

menggunakan kaedah pertanian moden dan mengadakan ladang kontrak dengan Lembaga Pemasa-

ran Pertanian Persekutuan (FAMA) bagi menjamin pemasaran," katanya.



03 SEP, 2021

Kelantan tumpu projek tani berskala besar

Harakah, Malaysia

Page 2 of 2

SUMMARIES

PASIR PUTEH: Kelantan memberi tumpuan melaksanakan projek-projek berasaskan pertanian berskala besar dengan kerjasama Kementerian Pertanian dan Industri Makanan (MAFI). Pengerusi Jawatankuasa Pertanian, Industri Asas Tani, Bioteknologi, Teknologi Hijau dan Alam Sekitar, Tuan Mohd Saripudin Tuan Ismail berkata, tumpuan juga diberi bagi memajukan agro pelancongan. Katanya antara yang berpotensi

termasuk Jeram Mengaji di Selising, Danau Tok Uban Pasir Mas dan Lojing di Gua Musang.